

廣東通志


卷六十

內閣文庫			
三九六九	六九二	函	架
三九六九	六九二	冊	號
漢	書	類	

內閣文庫			
三九六九	六九二	函	架
三九六九	六九二	冊	號
漢	書	類	
(五五五)			

內閣文庫	
番號	漢 3969
冊數	692 (555)
函號	291 97

五五五





廣東通志卷第六十

列傳七

人物七

本朝二

淺草文庫



周志新字日新南海人 文皇帝嘗呼為周新因改  
 焉而以志新為字洪武己卯舉于鄉筮仕大理寺評  
 事每有疑獄一言而白壬午拜監察御史彈劾敢言  
 貴戚畏之目為寒面寒鐵人因稱為冷面寒鐵公京  
 師中或怖小兒輒曰冷面寒鐵公來皆匿永樂元年  
 巡按福建奏言 朝廷設立軍民諸司彼此頡頏兩  
 非統屬今都司所轄各衛每府官過門或遇諸途輒  
 怒府官不下馬甚至鞭辱僕隸衛所公務徑行有司

理辦稍不從即呵責吏典請自今府衛相見行平禮  
遇諸途則分道而行所有公務不許徑行府縣有司  
官吏毋得凌辱迺 聖節正旦冬至在外衛官悉於  
府治行禮開讀 詔書雖邊海衛所亦從布政司差  
人都司毋與 上悉從之二年巡按北京時制令所  
屬吏民有犯徒流者免罪就發北京民稀處種田監  
候詳擬徃復數月多死獄中新奏請今後死罪及職  
官有犯詳擬待報其吏民犯徒流者悉從北京行部  
或巡按詳允就發種田如此則下無淹滯之患上不  
負寬恤之恩 上諭都察院官曰御史言是也且命

北京百姓有犯應決者許其收贖燕民大悅三年九  
月擢雲南按察使未赴有 旨改浙江有冤民淹繫  
聞知喜曰冷面寒鐵公來也吾無患矣乃至洗其冤  
放之自是異政日著一日視篆忽旋風吹異葉至前  
左右言城中無此木獨一僧寺有之去城差遠新悟  
曰此必寺僧殺人埋其下也冤魂報我矣發之得婦  
人屍人稱爲神明一巨商遠回未抵家而日暮恐狐  
行爲人所圖潛以其貲置一祠石下至家妻問之告  
以故明日求之無有也往訴之新新曰是必而妻有  
外遇也覆之果然蓋歸語妻時樓之者竊聽先往取

之矣遂併治之有訴爭兩傘者甲曰我傘也乙曰我傘也彼奪之所言記驗皆同新命剖之各持其半去陰遣人尾其後甲曰我始欲助汝傘價之半得非汝利也乙荅曰傘本我物寧能低價屬汝於是甲就縛正其罪其燭奸類此境中有虎害爲文告城隍湏臾得虎格殺之初往浙道上蠅蚋迎馬而聚尾之見一暴屍惟小木布印及至任令人市布得印誌同者鞠之乃劫布商賊也悉以其賊召布商家給之家人大驚始知其死於賊也它如辦豆獲盜人皆服之其餘暴類此會夏秋潦窪田盡沒末樂九年湖州府無徵

糧米十七萬二千四百餘石所司一暨催徵民日逖亡奏乞遣官覆驗上即命戶部敷實蠲免嘗巡屬縣徵服觸縣官收繫獄中與囚語遂知一縣疾苦明日往迓乃自獄出縣官恐懼伏謝竟以罪去由是諸郡邑吏聞風股栗莫敢恣肆錢塘知縣葉宗行號廉能嘗偵之入其居無長物惟笠澤魚腊一束其家所寄者也袖少許以出明日召飲出示葉葉益砥礪號錢塘一葉清後卒于任爲文往祭哭之甚哀其旌別淑慝類此察案一日覬以鵝炙懸于室後有遺者指示之新未顯時其妻治禱以給及同官內燕荆釵布

君以往大類田野婦各相慚惡更為澹素其廉介類  
 此故當是時周憲使之名震天下澤及無告民自不  
 冤雖三尺童子皆頌其美焉初錦衣衛指揮紀綱用  
 事使千戶往浙緝事多作威福受吏賂新時進須知  
 如京師遇諸涿州捕繫之千戶脫走訴于綱綱乃更  
 誣奏新 上怒令馳馬逮新承綱意者榜掠無完膚  
 既至伏陛前猶抗聲曰按察司行事與在內都察院  
 同 陛下所詔也臣奉詔擒奸惡柰何罪臣臣死且  
 不憾 上愈怒命戮之臨刑大呼曰生為直臣死當  
 作直鬼他日顧問侍臣曰周新何許人對曰廣東

上嘆曰廣東乃有此好人耶枉殺之矣後紀綱以罪  
 誅事益白新既不祿其妻獨挈遺衣及書數卷歸廣  
 貧居如洗然都御史楊信民巡撫特存問其家周以  
 月俸嘗語人周志新當代第一人吾黨所未及也新  
 無子景泰初其妻卒於家浙人在廣東藩臬者皆會  
 葬云 據實錄雙愧歲抄廣州人物傳參脩○論曰嗚呼  
 之明洗冤澤物之仁與夫持風裁臨患難之直而不  
 撓可謂剛且大者語曰直木先伐又曰物忌芳潔其  
 新之謂歟同里彭森傳其行曰公發姦擿伏有廣漢  
 風而宋有鐵面御史公似過之擬人於其倫矣又曰  
 被刑之夕司天奏文星墜 上以是悔自後見一人  
 衣紅立石中呵之問為誰曰臣周新也上帝以臣剛  
 直命為城隍為 陛下治奸臣貪吏言已不見天顏  
 撫然嗚呼豈其然乎豈亦鄭伯有魏元微之比乎近

世劉球毛吉為奸盜所殺嘗附魂於人傳者亦著其說夫何疑於新乎要之新之清風勁節固不待於此而自可傳於不泯也

陳璉字廷器東莞人自幼聰敏喜學從黃勳受書經領洪武庚午鄉薦為桂林府教授嚴條約以身先之都督韓觀總兵鎮守廣西猛悍不下士聞璉之教悅服每加禮焉秩滿陞國子助教未幾初近臣言璉有治才不宜置之散地召試在優等擢知許州始至人以儒者易之少有警發眾為悚懼乃更以寬厚寧民俗多淫祠戒諭之俗遂漸變未幾代還改滁州均徭役時征歛禁奸戢暴民用大和 太宗皇帝巡幸北

京所過先遣廷臣察吏治問民隱治有異效者加陞擢焉眾皆言璉績最滁人恐失之請闕乞留遂陞揚州知府掌滁州事賜綺衣一襲鈔五百貫禮部宴餞給驛還在滁州又九年陞四川按察使四川去京遠民不畏法豪吏黠胥奸弊百出璉至一治以法不少貸軍中暴橫有號虎彪太歲者人莫敢犯犯輒受奇禍廉得其實密遣人捕之皆寘之重典乃建言脩武備慎刑罰明禮制復義倉正風俗等九事 上嘉納之宣德丙午吏部言璉持憲非所長璉素有文學求樂間嘗獻歌頌 上雅知之召還改南京通政使俾

專掌國子監事師道尊嚴善於訓迪士類悅之丁內  
 艱正統初起復調南京禮部左侍郎又五年致仕璉  
 德行淳懿文詞典重人愛之若拱璧其所進者有巡  
 狩頌平胡頌饒歌鼓吹摺紳士大夫求碑銘序記詩  
 賦諸作足相躡於門應之如響故著作最多所至學  
 者考德問業無虛日黃蕭養作亂璉建制禦綏靖之  
 策竟平之卒年八十五初去滁時滁人侑之于醉翁  
 亭與歐陽脩王禹偁為三賢祠東莞縣知縣吳中祠  
 之與李用李春叟亦曰三賢祠據實錄廣州志參脩  
 孝友和厚博通經史以文學知名于時及得其集而  
 閱之斤乎其明渾乎其肅括平平乎如繼神駿馳驅

輒於康莊之塗也信有德者之言哉晉江林誌有聲  
 翰林嘗同事會試場屋與之論經史無挂漏者遂師  
 事之語人每曰當今司馬君實又曰人中麟鳳也其  
 感人如此其所操存可知矣家有萬卷堂所儲多秘  
 府所無者四方學士求觀必館敕焉後皆為官府奪  
 去其同考會試者二皆在為知州時國初之制蓋  
 此如

李晟字孟昭南海人器宇凝重舉止不凡兒時見者  
 知其必貴少失怙入邑學博通經史有文名且能承  
 顏事母革除己卯鄉貢進士靖難初為戶科給事中  
 常侍左右言事稱旨求樂筴未春三月上御奉  
 天門選近臣有才識者使廣東撫綏河源山澤間流  
 亡之徒上顧晟曰汝其往哉當陞辭有旨許過

廣雅

卷之四

三

家省毋賜道里費楮幣以行人皆榮之復命加慰

勞焉陳璉送李給事序末樂元年春三月上御奉

問流亡之徒戶科給事中羊城李君孟昭與焉當陛

辭有旨許過家省親復賜以內藏楮幣若干在廷

相如當武帝時嘗建節使蜀蜀人以華其行余惟漢司馬

茲行亦奚異於彼哉今聖天子威武焜煌湛恩汪

歲羣生霑濡無間遐邇四夷八蠻效職貢琛恐後自

三代以來未有盛於今日也然而遠徼山徕洞獠間

有陸梁梗化者未嘗加兵誅夷務廣恩信以綏輯之

豈非一乃不遺一缺狐鼠輩咸革心效順悉為編民

近清光日觀盛事茲行當宣布聖德以盡招徠撫

綏之道無驚懼子弟憂患長老俾流亡者延頸舉踵

喁喁然向風來歸各安其生以副聖天子愛民之

意則可謂得奉使之體而無負廷選之公矣暇日過

家拜母夫人於堂下稱觴上壽喜動慈顏為宗族之

光為斯文之慶古人所謂衣錦之榮者君實有焉山

是歸奏成功益攄瑰奇之蘊上荅聖恩以增崇遠

大之業則相如事業豈得專美於漢廷哉因書此以

識已丑春正月 上御奉天門晟方奏事 上謂吏

部曰吏員中多有才幹者然亦能害人可令給事中

保舉若非其人則平日交結可知其併罪之晟受命

而出乃奏保郎中萬子雅辦事官前御史傅衡 詔

試二人以事然後任職由是益為 上所知元夕賜

百官觀燈應制賦詩為人稱賞與同官陳山輩皆馳

聲于時壬辰進都給事中以廉能舉保擢知廣西南

寧府不鄙夷其民專尚德教歷六載梗化者悉歸供

賦稅以績最擢河南布政司叅政所至有聲致仕家



居允篤孝友鄉邦論純厚君子必曰李大叅云據廣

志雙槐歲抄參脩

黃裳字迪吉番禺人少從李韓游明經學善文詞洪武癸酉鄉貢進士卒業太學永樂初授福建政和知縣適病荒勸富民發私粟以借饑民而官置簿書條其人名以印鈐之授諸富民約至秋成令息石以二斗而歸之且禁粟毋得出境獲全者衆民甚德之而他縣多革餓云政爲一省之最惟毋憂去服闋部使者以文學政事薦陞禮部主事辛卯晉郎中壬辰以小謫左遷員外郎後歷刑部郎中卒裳有學識多

所著述在政和時裳與典史郭斯厚脩縣志其論社所以主石之義曰社祭土主陰氣也天陽氣積而成天故其精爲星陰氣積而成地故其精爲石石擊則星出陰動生陽也星隕則化石陽變爲陰也土爲陰氣之積而石乃其精故社以石爲主也時稱善論其他詩文亦多可採者時承南園詩社之後廣人多工詩常與周斷事溥敬魯知縣惟忠儒士潘翥胡悌梁寮黎本寧楊肇初皆有名于時繼之者則趙不易何濬輩也東筦時有鳳岡詩社則陳靖古何潛淵羅泰爲之宗皆力欲追唐而力不逮其流甚靡後江門詩

法既傳始翕然從之而學之不至者大率傲睨乾坤  
霸柄雪月往往高虛而累性情於此見詩之難也據廣

州志八閩  
通志參脩

梁敏字以訥高要人父至孫有善行仕元為新州同  
知敏穎悟能文性孝友年十九舉洪武壬子鄉薦歷  
清遠教諭繁昌宛平丞以文學薦擢左春坊左贊善  
日隆眷遇常被命作午門觀燈詩及賦朝陽鳴鳳  
圖操筆立就成祖稱賞不已尋以乞休忤旨謫  
遼陽苑牧再陳再謫枝江訓導疏屢上帝始賜免  
復其官致仕歸中年喪偶不再娶自奉如寒儒以勤

儉訓諸子暇日多所著詠年九十有六卒有雲萍集

據肇慶  
志脩

許利海陽人洪武庚午領鄉薦永樂二年授汀州連  
城縣主簿公平勤慎佐政有方決壅如流去任之後

民猶思之後歷官刑科給事中卒據汀州名  
宦志脩

陳迪字保中四會人博學能文篤於孝友洪武甲子  
領鄉薦明年登進士第任陵江縣丞有政聲坐事謫

戍遼左以明經薦為國子助教仁宗在東宮時召  
試令入文淵閣同脩永樂大典右館職十餘年有詩

文類集藏于家據肇慶  
志脩

吳宗直遂溪人獵涉經史善於筆札尤工於詩洪武  
已卯領應天府鄉薦以文藝知名于時累官禮部儀  
制郎中有集今不存據雷州志脩

梁致育字遂初高要人通五經志行高潔由洪武癸  
酉科鄉舉歷紹興建昌訓導六典文衡致仕家居嘗  
脩郡志天順初廣西流賊劫掠蓮塘致育年已九十  
六且瞽被執賊令講書致育罵曰蠻奴若曉禮義必  
不為此賊不忍加害以竹扇與昇之行政育知不可  
免語昇者曰至逕口深淵即白我遂投淵死賊驚歎  
而去有竹昇稿藏于家據肇慶志脩

曾牧字守民潮陽人性鯁直敏於學善楷書少為邑  
庠生累試不第乃應貢入太學領洪武丙子應天府  
鄉薦授南京兵部司務歷轉戶部員外郎居官廉慎  
清白始終如一月旦稱焉據潮陽志脩

梁祖榮高要人洪武中文貞為國子生授武緣知縣  
憂去未樂中改知柘城縣歲值霖雨彌月教民疏濬  
溝澮邑無水災民有負租者貧無以償祖榮首捐俸  
倡之時因效助者甚衆由是官無負租民無失所後  
卒于官民咸悲之據河南通志脩

張善教瓊山人領洪武丙子科應天府鄉薦授岑溪

教諭丁艱未樂聞改沙縣教諭學行粹潔疑然以立  
師道脩明職業未踰年士皆從化倡諸生以新文廟  
縣父老聞之欣然來助迄底于成據延平志脩

劉簡新興人洪武丙子鄉舉擢江西道監察御史以  
振揚風紀為已任屢疏彈劾不避權勢風采凜然據

慶志脩

羅亨信字用實東莞人自幼穎敏好學末樂甲田進  
士授工科給事中往浙江視水災奏蠲嘉興海鹽崇  
德三縣稅糧凡五十餘萬石調吏科尋陞右給事中  
適詿誤連坐謫交趾胥吏九載洪熙改元用太子洗

馬張瑛薦起為監察御史嘗往通州察倉庫之弊誅  
民之尤無良者數人道路肅然巡按真定等府清軍  
山西所至有聲宣德中受勅治鈔法京師商賈漸見  
通用有言亨信堪任方面者詔食按察司僉事俸仍  
治鈔法宣德乙卯陞右僉都御史命往平涼等處練  
兵備邊 上念邊境苦寒璽書慰諭且賜以幣正統  
丙辰與都督趙安率洮岷等衛兵巡邊遇虜安與都  
督蔣貴用都指揮安敬議逗撓不行亨信至其營斥  
之曰汝輩受國厚恩臨敵退縮安用汝握重兵為且  
汝特畏死耳死三尺法孰若死敵貴等色變以糧芻

不繼為解即上章劾貴等若師玩寇敬怯懦不忠侵  
 尅軍餉 上命兵部尚書王驥往詢皆如言置貴于  
 法斬敬以徇自是將士股慄用命出輒獲迤西以寧  
 奏捷陞倅一級賚白金及文綺先是聞父喪請歸守  
 制 上以邊務方殷奪情視事至是始命馳驛歸塋  
 往返皆賜褚幣千緡奉勅巡撫大同宣府總督屯種  
 給贍軍餉興利除害為久安計每歲初秋回京議事  
 條奏汰冗官省虛費積邊儲禁私役請脩各衛土城  
 以絕虜覘伺又言虜酋也先專侯釁端圖為入寇宜  
 預於直北要害增置城衛備之不然恐貽大患議者

寢不行有土木之難人以為知微云時參將石亨欲  
 以大同四川七縣之民三丁取一為兵又有勅令軍  
 餘盡撥屯種量畝起科亨信奏言北虜方驕邊民疲  
 甚加以邊地饑薄若如言是絕其衣食而逼其逃竄  
 也且當今事勢正宣布恩信以結人心苟絕其衣食  
 未有得其心者從之戊辰冬進右副都御史已巳秋  
 轉左副都御史賚文綺白金有加會也先入寇所至  
 州縣文武官皆遁 英廟方北待人心洶洶亨信時  
 在宣府孤城危甚當國者建議趣召宣府總戎官率  
 兵入衛京師或欲遂弃其城衆紛然爭就道亨信乃

毅然伏劔坐當門拒之且下令曰敢有出城者手斬之衆遂定城中老稚歡呼曰吾屬生矣因設策捍禦虜不敢南人莫不多其功歲庚午以年踰七十上章致仕會報宦官喜寧偕虜詣城下議和密遣驍將楊俊伏兵擒之虜患乃息上賜璽書有為國除患之褒復賜白金文綺不侖所請是秋回京陛見辭益力因免冠叩首上見其着兜襖處真髮皆盡乃許焉

致仕八年卒年八十有一據廣州志名臣琬琰錄余也世謂身信有安社稷功而思者僅循常例有遺憾焉雖然人臣事君內思盡志盡忠外思盡職盡職之謂功亨信亦惟盡其心臣者兩而奚斷於報

也哉

唐舟字汝濟瓊山人學優才贍中華除年間鄉試未樂筭未復試皆中第二名甲申舉進士授新建知縣始至簡易御下若尋常然又名愈著上下大服有問其故曰古人所謂新任如處暗室輕動必有觸損久坐自明未幾應求賢詔起赴京陞江西僉事整肅紀度郡邑承望風采舊南昌守懼先隙闖門不能仰視舟待之加禮衆服其量後以微累降判衢郡即折憲節盡安輯撫綏之道以非辜從戎隆慶衢人思之不巳仁廟登極大臣首薦為監察御史即抗辯內

侍陪黃本固等數事風節愈勁出按浙江所至多政  
 譽為人胸次坦夷光明無纖芥畛域待已接人任真  
 自信傲歷中外餘三十年所至有冰蘖聲嘗題門帖  
 曰雪霜半染中年髮天地應知暮夜心見者嘆服及  
 歸杜門不出家無擔石之儲處之晏如鄉議高之年  
 八十二無疾而終子亮據瓊臺志脩

亮字景明瓊山人幼隨父任衢州游常山學中永樂  
 丁酉科浙江鄉試戊戌登進士除直隸泗州判官改  
 詹事府主簿 欽改二府長史司奉祠永樂二十二  
 年九月 仁宗以舊恩 勅賜鈔幣擢寧國府同知

十五日欽奉 仁廟聖旨我在青宮時恁是我舊人  
 先皇帝法度嚴緊恁每受了些驚怕我一向忘了你  
 御手親授段子寶鈔賜羊酒米遣光祿寺送至家當  
 日 欽陞直隸寧國府同知孫繼祖長沙衛經歷以  
 孝友聞謝恩詩內侍傳宣出建章 東宮寮屬被  
 恩光親勞 御手分文錦又 勅中官賜玉漿五品  
 大大名不忝萬年 天子壽無疆小臣戀  
 國心長在時望彤雲捧玉皇○據瓊臺志脩

翟溥福字本德東莞人永樂甲申進士筮仕知青陽  
 縣青陽地僻民稀因其土俗為政一以恩禮為本民  
 甚戴之縣治近九華山麓多虎為民患齋沐為文檄  
 告山神曰民罹虎患令之過也禍于吾民寧禍于令  
 身三日即殲巨虎一境賴寧邑人勒碑頌之移知新  
 淦田里廣而政冗訟繁能推誠布公教民禮讓秩滿

陞刑部主事用法平恕進本部員外郎尚書魏源薦  
其有牧民材出爲南康府知府至則訪民情採疾苦  
省刑罰禁橫征先是郡值歲歉民有擅取富室穀粟  
及收漂流官木者百餘人前守論以強盜悉寘重典  
溥福盡杖而遣之闔郡服其明封壤瀕湖舟楫苦風  
濤無栖泊所遂捐俸築石隄延袤百餘丈舟人稱便  
後共立廟祀于隄頭政暇遊廬山見白鹿洞書院遺  
址經元兵火蕩爲瓦礫喟然興嘆以爲政本在是乃  
捐俸率郡邑之尚義者重鼎建之延致仕何博士爲  
師簡民間俊秀子弟卒業其中會朔望親臨爲生徒

講解老稚觀聽動以百計自是郡民皆知慕學考績  
赴部以老疾辭侍郎趙新嘗巡撫江西知其爲人甚  
詳厲聲曰崔溥福江西第一郡守也豈宜遽退懇乞  
累日始得謝事別郡之日父老以其清貧爭持白金  
餞送溥福力辭不受皆挽舟涕泣不忍舍因留帶立  
廟祠焉又配饗于白鹿書院之三賢祠三賢者唐李  
渤宋濂溪晦菴也後并祀賢守號六老堂年六十六  
即投老歸杜門却掃惟觀書教子孫講誦而已足跡  
不到公府口不言有司政令居官三十餘年俸祿盡  
損以營公務故家居田宅絕無所增平生廉謹剛介



始終一節庭逕蕭然清貧自甘年七十一卒據廣州志白鹿

洞志參脩○論曰儒生擅文墨而忽公務俗吏事簿書而急操切迂且鷙之過也鷙則瑣瑣條貫於風化罔所裨迂則惛玩覬望而下緣為奸夫條貫之稽而風化之遺弊端莫究而奸利緣起此守令所以難其人而民受畜也秉公廉則不鷙任禮教則不迂若翟溥福者得之矣入國朝東筦號多賢而鄉評謂溥福為最驗諸厥施信哉

溫琇新會人與鄧林為同門友永樂初以國子生知

永春縣勸農興學均役平賦嘗減歲造皮張常貢士

民德之調建陽移簡以就繁也嘗以事至京師病危

鄧林躬治醫藥起之人咸謂林篤於交誼云據新會志八閩

通志參脩

廖謹字慎初以字行南海之葛岸人今順德縣恬靜力學

允經史百家之書靡不淹貫不妄交游以澹交名其

齋永樂中學士解縉出為交趾參議嘗遇謹與之上

下其論若繭絲炙轂出出不窮縉不能有加也題西

樵讀書處有曰反身循理懲忿窒欲敬之敬之如金

如玉稷契臯陶何書可讀蓋深期之識與不識皆謂

廖五經云以明經舉為四會訓導後轉桂林南安二

郡性樸實不能諛上官人或以俚語笑之為古必謂

泥古不通也乃作古必解以自嘲其文曰有孤魯先生與結吉先生同

遊于廣漠之野衣大博之衣冠章甫之冠昂昂飄飄若遠去世俗而人莫知之者有方外之客適進逆焉

始而睨之中而隨之終則逼而近之曰先生之遊何樂乎結吉先生呀然嘆曰子豈能知我耶予之遊自樂予之樂爾復又何求客乃揖而前曰夫知進而不知退者非禮也知方而不知圓者非智也知易而不知險者非識機者也知有已而不知有人者非識時者也今先生博極經史而莫適其逢出入仁義而莫收其功周情孔思千態萬狀而莫變其通獨不見今之人乎不以其文而惟其人久典泮芹寂寂其身不以其直而惟其順若先生也久典泮芹寂寂其身不為顯行其孰聞德不見施孰知爾真乃不知此徒大言於斯文曷亦自反遂以更新不古則必乃以為嗔耶孤魯先生鞭爾答曰君子之於所知也則當有言其進退義為周旋方圓易險中而不偏萬變曲折正以行權若乃肆口騰舌翻雲覆雨隨圓不方起旁午此乃狂狎小人之行豈君子正大之矩也耶故寧不合而不詭隨寧不用而不諂昔在玄聖其仕惟古人是師不世不終為古人是期昔在玄聖其仕其止惟義是宜惟久惟遠惟禮是依非不智也而或致喪家之譏非無禮也而或致諂君之非人之莫知

也而於聖德容又何虧故能垂教萬世與日月而同輝若子也少頗讀書長遊鄉校友二明師亦以明道髮燥吹風即此是奸由西而南黍為人教學而不功人功亦克造智則不足而禮也踰因機與時亦頗不愚若乃隨時俯仰低昂以趨行而趨起口而囁嚅則又與古人殊也假因諂以功以浮譽賀魚目以渾明珠吾則山石可攻而心難移是宜乎人之不我與歟然此心亦古人之心則其人亦古人之徒也茲願愛古必之劣而不願詭隨阿曲以諛使有識者吾將質而問諸彼大方者其將以予言為何如客既就去先生亦返乎所久之陞通山縣學教諭滿考當遷遂乞休居之庭除又之陞通山縣學教諭滿考當遷遂乞休得致仕卒其教人以執禮為先羣從兄弟嘗受學者終身莫敢與鴈行立兄子恂從謹宦遊入通山邑學中湖廣鄉誡宣德癸丑登進士至通顯事謹循執服役人以是高之有集陳璉序之以傳今不存據廣州志脩

李讓字遜之新會人永樂二年知縉雲縣撫字有方  
群黎咸戴脩理學舍勸課生徒餘多善政邑人為立

名宦傳

據處州志脩

劉士傳字習之南海人明經績文不求聞達永樂元  
年有司以儒士應詔不得已舉至京師授兵科給事  
中屢言邊事 文廟嘉之陞陝西布政司左叅議巡  
行固原建議備狄或以為迂轉授福建邵武府知府  
公勤廉慎興學勸士多所造就他政績亦多郡人德

之

據八閩通志脩

林希蔭字宜民揭陽人性寬仁莊重恬淡寡慾自幼

能屬文博通五經尤精春秋敦孝行父客死非命貸  
錢歸葬奉毋盡禮毋沒廬墓二年有白鳥巢塋樹蟻  
子以千數聚楹三日不散妻亡不再偶與潮十林厚  
友俱以孝行稱永樂間 朝廷舉孝廉郡邑以二人  
薦希蔭謂厚曰君有父母可以祿仕余遺恨終天祿  
位奚為厚舉進士累官叅政希蔭終身家食有司時  
賜饋遺自號貧樂天順間海寇作亂劫掠村落屋廬  
盡焚賊過其家大書其門曰此林先生屋也戒其徒  
勿燬一日出遇賊希蔭坐舟中衣冠甚偉賊終不犯  
族兄與鄉人訟郡守不能決召希蔭至涕泣言日至

誠不能化宗族鄉黨非善也證父攘羊非直也郡守  
 益重之所著有逍遙歌及二十四孝七言梓傳及卒  
 厚撰墓誌銘季子岩性剛介嘗從白沙講道江門居  
 家有禮恤孤寡周貧乏立家規以聯屬族鄉有不善  
 者不請官治輒質焉積善行義能不替其父風據潮州志

蕭嘉祐者新會人也將赴舉於禮部林坡黎貞作構

室說以贈之其畧曰善營室者必先蓄材擇匠羣材

則規矩一定而無更張之擾古之君子大過人者無  
 他焉不輕用其才積之有素如泉之有本蓋其發之  
 也遲故其資之也深守之也確故其得之也豐猶作  
 室者具百才之用得匠氏之良而收美觀之效也今

吾子以穎悟卓越之才弱冠擢危科人孰不爭先快

觀而致譽於吾子而吾斷斷乎以未足為說者何也

知其入所以責備其人也嘉祐再拜受教自是益力學養銳堅忍

其志以縱橫自用為終身戒後嘉祐任廣西恭城縣

知縣處事公平待人以信大得民心雖山谷徭獍以

片紙招之聞風而至無敢後期者政暇與諸生講學

士風大振後卒于官民作祠以祀之世稱貞為知人

而賢嘉祐之能聽受也據廣州志脩

張舉字元直番禺人力學窮經游郡庠有文名革除

已卯領首薦為全州學正立教嚴肅士知敬業永樂

三年以學行徵為戶科給事中選備講讀乞歸而卒

貧無以為歛有司暨鄉人咸賻之乃得葬據廣州志舊全州志參脩

戴玠潮陽人永樂三年任安溪縣丞興學校課農桑

明條約除煩苛招復流移梗化者諭之不悛然後治

之以法一邑稱治據安溪志脩

黃本固海康人少篤學窮理永樂甲申登進士知馬

平縣蒞政清介嘗與內侍馮姓者交章劾奏命下

削籍為民未幾御史唐舟等疏其無辜尋起用至省

疾作歸卒於家據雷州志脩

梁珪化州人永樂甲申登進士知寧化縣視民如子

不事苛刻蒞任數年政脩利舉永樂九年以憂去而

民不忍別服闋起為湖廣隨州同知卒據汀州名宦志脩

周英字子傑合浦人登永樂甲申進士知泰寧縣愛

民訓士政尚寬平去之日民遮道不忍舍據泰寧志脩

林文亨海康人永樂初鄉試第一登甲申進士第歷

官戶部員外郎性情淳謹無貴勢氣習鄉評重之工

詩文不苟作獨同年同邑林現者為興化縣丞恬退

不求利達文亨為賦還鄉詩據雷州志脩

楊頤博羅人永樂三年舉人授交趾下洪州知州治

有異績遷工部員外郎刑部郎中山東登州府知府

廉明而果不為權勢所撓其在登州催督勾取不遺

吏卒以木刻隸兵捧檄傳行屬邑無遺令者在郡四年秉禮率人力革舊習四境翕然丕變據惠州志脩

李信封川人永樂乙酉領鄉薦知交趾屬縣守法奉

公人莫敢欺時交人為亂攻城下信率眾堅守交人

曰李公守義愛民執不可奪遂護之出境一時同案

得免害如信者僅見云據肇慶志脩

李澤石城人永樂乙酉鄉試登丙戌進士歷官至郎

中不為利祿所干以道義為重中歲告歸田里清約

猶寒士杜門請託不履公庭繼而詔進職力辭不起

以耕讀終據高州志脩

韓珠字子瓊廉州石康人永樂乙酉領鄉薦中榜高

等賜冠帶以需後試辛卯乃登進士歷任山西右叅

政為政明恕知日民留之不得乃脫其鞵立亭以寓

去思據廉州志脩

陳真豫遂溪人以永樂乙酉科舉人累官監察御史

持憲體有廉潔聲人不敢干以私據雷州志脩

陳範龍川人早喪父事母以孝聞永樂乙酉舉于鄉

歷官湖廣麻城學教諭衡州府學教授奉母就養承

順備至自製戲彩詞昕夕歌舞以為悅秩滿乞歸終

養後遷唐府長史慕親不置王察而憫之為請追

贈之恩大學士楊榮嘗贈以思親辭三章據惠州志脩

黎常新其人乞求樂丙戌進士授福建道監察御史

按部有赫赫聲貪穢迹軍民咸悅據肇慶志脩

王克義瓊山海口人永樂丙戌進士授崇仁知縣大

臣薦其才有博學宏辭等語至則增減宋詞科出題

試之果中式陞都官尋出為建昌推官所至庶能據

臺志脩○克義詩蓬萊春曉歌若雲初散扶桑樹六

龍已駕羲和馭海上神山曉色分琪花瑶草濕香霧

雙雙彩鳳棲梧桐憶得當年來上國棘園塵戰文

息萬國如在春風中詔還朝天上林春色正明媚百花

場屋瓊林宴罷醉扶歸不讓當時步瀛客歌歌舜治

十八年于今捧詔還朝天上林春色正明媚百花

燦爛爭芳妍自喜牛逢堯舜世愧乏涓埃酬

聖帝吟詠非才州溪強作任歌歌舜治

劉簡字以中歸善人以求樂戊子科舉人為交趾諒

江州判官時交人初附寇逆屢起諒江尤劇簡至宣

布 朝廷威德百度脩舉州民相戒不敢犯洪熙元

年寇孽黎利叛攻劫郡邑所在皆奔降獨簡倡集吏

民堅城固守數月餘援兵不至城遂陷簡被執不屈

死其弟及妻子凡七人相率赴井死焉後諒江民建

祠井前祀之嘉靖中祀于鄉賢祠後以配王度于孤

忠祠據惠州志脩

陳諤字克忠番禺人永樂戊子領鄉薦卒業太學庚

寅五月即拜刑科給事中遇事剛果諱劾不避權要

嘗奏事聲響甚大聽者悚然上令餓之數日奏對如前乃曰是天生也每見呼為大聲秀才云嘗以直諫觸禁上赫怒命為坎瘞之露其首七日不死遂釋還職尋陞吏科都給事中一日率同列奏事忤旨落職罰使葺象房同事者先畢功降職去諤貧不能倩人乃躬自為之值駕至問治屋者誰也諤前俯伏陳其故上念諤贛直且憫其貧命復官辛卯九月奉使雲南癸巳三月還朝即命署通政使司事逾年署應天府未幾又署刑部事所至凡百張弛悉中肯綮丙申夏又轉鴻臚寺亦署事也明年冬文政署

工部事聲績視前有加署事四年陞授順天府尹政尚嚴明有漢張趙風嘗出行轉城隅誤衝皇太子駕事聞竟不問己亥四月癸巳有白鳥乳于庭樹諤以獻上喜賜金帛廷臣稱賀無何出為湖廣按察使歷官三載無冤獄將代吏部侍郎師達有事湖廣留之督軍尋改任山西以事忤親王貶知浙江海鹽縣洪熙改元正月封建親藩選輔導之職廷臣推諤可用會上一日問左右曰大聲官人何在此人宜為輔導使人得易聞過至是起為荆府長史王書忠良鯁直四大字以寵異之宣德戊申丁母憂歸



郡人素服其公直有屈者多訟之諤諤語諸當道皆伸之服闋復為長史與王不協遂除鎮江府河知時戶部侍郎周忱督漕于淮檄之脩陂塘圩岸相方設宜有成績未滿考以老乞歸卒年六十有八諤為人剛介然賦性恢譎當被瘞時嘆息謂其人曰吾今夕乃為大斃所苦請其故則罵之曰叱嗟汝不知耶朝廷瘞人當以雍令速死耳瘞者如其言遂得屈伸不死云

據廣州志脩

鍾瑛字汝器高要人脩眉豐頰沉默莊重事親孝年十一遊郡庠子史百家靡不該洽永樂辛卯登進士

時文皇帝有事四方選學行之優者入秘閣習四夷文字瑛與選為翰林庶吉士無何授編脩効勞編摩為詞林推重賜馳驛歸省鄉人榮之秩滿轉大理寺正仍辦秘閣事雖久居侍從不殊布帛丁內艱歸哀毀成疾而卒朝論惜之

據肇慶志脩

鄭義字伯集潮陽人丰儀峻整見者喜敬自少以穎敏称刻意讀書凡經傳子史百家靡不究竟兼以草聖妙絕時髦嘆服置入邑庠博洽春秋書史最後銳情於詩卒以詩成其所教人讀書於膠轄青紫處多有致疑義洞燭其微剖析詳明以啓迪之平日為文

淵奧維健上司考校每出入右將應賓與蜚聲遠播  
 及角藝秋闈果中永樂辛卯首選會試南宮弗捷授  
 以教職秩滿擢陞周府長史歷俸年深輔導之功  
 居多晚年工於述作有文集若干卷梅花等詩藏于  
 家塾長子曼早服庭訓後從劉主事習舉子業念二  
 親仕遠方弗終其業以一女有淑德冊為項城王妃  
 曼封南城兵馬副指揮次子曰昇神采玉立絕類離  
 羣選為周府儀賓據潮陽志脩  
 梁軫高要人今三水縣少卓立有經濟志永樂辛卯領鄉  
 薦授福建道監察御史肅清風紀務持大體後改行

在山西道初巡直隸所至激烈有指揮抵法浼鄉宦  
 蘇都事餽以金硯一方夜明珠五顆叱却不受出按  
 湖廣清臬司匿賊賊劾武臣不法事為人所嚴憚後  
 為忌者所中謫雲南典史謝事家居卒始終剛介云

據肇慶志三  
水志參脩

彭森字伯森南海人少孤貧以俊材被選為郡諸生  
 所服襴衫被缺以紙紉而補之有司見而憫焉為給  
 燈油飲食使力學森以是得肆力於書援筆輒萬言  
 皆中規矧永樂甲午鄉舉第一明年登進士授山西  
 道監察御史陞福建叅政始末第時聘同里女蓋卑

賤人也及得解其家以窶辭親戚復以女貌陋止之  
 森不可竟成婚恩愛甚篤生子皆賢而有文有舉于  
 鄉者君子曰婚姻之禮以嗣萬世也非以論財也男  
 女之居室以正家也非以漁色也近世鄉俗粧奩奢  
 僭王侯不如色衰愛弛脫輟召外皆森之罪人也森  
 有文藝獨居官無聞焉論其夫婦大倫則今之庭式  
 也語曰尺有所短寸有所長據廣州志脩

曹昌字德隆其先壽州人祖承宗授德慶千戶父斌  
 有隱志好遊覽往來汴洛許汝間久而不歸去時昌  
 甫三歲及長問其母曰吾父安在母告之故昌大以

為憾慨娶妻生子以家事付其弟遂辭母去誓不見  
 父不還乃趨河南之遂平得館主告之曰而父於此  
 有妻子携以歸久矣昌旁求不已困于塗每夕稽首  
 北辰愿滅筭以見父行至裕州遇父友倫濟始知父  
 已死矣訪遺孤得殯所朝夕號泣水漿不入口裕人  
 憐之事聞于周王賜孝子詩命長史潮陽鄭義為  
 之傳已而負骸骨歸塋哀毀踰節人稱之為曹孝子

云據肇慶志脩

容悌與字行白香山人性質醇厚學博行脩明經長  
 於書永樂中署儒學事聘脩邑志士大夫咸推重之

履歷通志卷之  
卷之  
執弟子禮者無遠邇居家有禮男女各有學祀先謹  
祠堂之制嫁宗族孤女數人母陳氏病風癱悌與躬  
視湯藥十三年無頃刻忘懈及母沒哀毀踰禮邑人  
稱爲孝行先生自經學外攻吟詠別號雲嵐所著有  
雲嵐集數卷卒年七十有七侍郎陳璉序其挽些謂  
其儒行足稱風俗爲之歸厚云諸子汝勤汝嘉並以  
醇篤聞汝嘉平生足不履城市壽八十有一惟以邑  
令敦請一詣鄉飲而已孫彬亦有文學仕爲教官奕  
世皆有悌與遺風其四世孫師偃自少性純父春泉  
罹癱疾兄弟六人惟師偃侍朝夕弗離側正德丁丑

寇掠其鄉人各奔竄師偃負父而逃賊追之急父麾  
使遁師偃不肯去泣謂曰父子更相爲命去將安之  
俄而寇至俱被執縱火焚其父師偃泣曰父老且病  
請以身代寇舍其父遂就焚死時年二十一父哀之

甚設祠置田祀之

據香山志脩

王制字宗義德慶人永樂辛卯舉于鄉乙未登進士  
授行人家居絕跡公門嘗纂脩州志遭喪充執禮及  
起復適有邊事奏議馬政久協時宜 上嘉賞之後  
以奉使卒于途

據肇慶志脩

謝廉字子清河源人永樂中以監生任交趾芙蓉令

剛正自持時縣治草創境內盜賊逢起廉提兵抵穴  
盡獲而俘之賞賚必貶于下以毋憂去職後除知江  
西樂安縣催科不擾民甚愛之滿考請老家居後交  
趾叛諸臣駭竄廉適鋤圃聞之厲聲曰使廉在彼便  
當以身殉國何偷生為不覺揮鋤中武流血其忠憤

如此據惠州志脩

陳鼎字重器新興人性端敏篤志于學聲聞早著登  
永樂甲午科鄉薦明年登進士擢監察御史彈劾弗  
避權勢出按雲南江西四川所至畏服遷江西建昌  
知府 賜璽書馳驛而往涖政明斷民不敢欺護衛


官校橫暴卒置于法治解穿地得金壁珎玩悉封進  
其清介如此父以貞往視入解舍視其四壁蕭然喜  
而嘆曰吾家本儒業汝能澹泊可無愧矣超拜右副  
都御史捕蝗河間諸郡有惠愛改刑部侍郎明慎科  
條獄無冤滯寮屬莫不敬讓之剛直之氣廉介之操  
為朝著屬望卒于官年四十有八賜苑祭學士王英  
銘其墓曰卓哉賢臣允矣君子人以為確論妻淑人  
鄧氏見列女傳據肇慶志脩

李亨字嘉會博羅人以春秋中永樂甲午鄉試戊戌  
會試乙科授廣西博白教諭改四川珙縣遷國子監

學正享博學能文居官勤于講授謂五經惟春秋屬辭比事難見要領乃撮其大指為一編曰麟經管中豹謂諸史浩繁非初學所能盡覽復掇取其要為一編曰青史節要以便諸生講習課試之文或背理違式則親為筆削少有進益則加獎勵於是學者競勸故博白珙之人文漸興實享率之以子顥貴贈工部侍郎

顥字思誠登正統丙辰進士授戶部主事改刑部皆有治聲景泰間僉福建按察司事公明而有斷一時風裁凜然陞福建布政司叅政提督海道興化有豪

家隸戎籍連姻衛帥怙勢武斷鄉曲威奪人田地子女莫敢誰何顥廉得其實捕寘於法闔郡稱快郡有郭孝子墓祠久廢顥為重建之其他善政尤多累遷山東布政使所至著能聲天順四年春正月入覲詔簡天下諸司府州縣官操履端嚴政蹟超卓者得十人顥與焉賜金織襲衣宴于禮部還任以憂去服幾闋銓部齎符促起浙江視事尋擢工部右侍郎嘗督築蘆清河天津迤北一帶河口錢塘堤岸五千餘丈俱有成功錢塘事竣乃乞休歸抵家而卒據惠州志脩嚴貞字守正新興人有學行業毛詩登永樂乙未進



士會試名在高等刻其文以傳授鄱陽知縣政績超著性狷介不為勢屈為寺人所忌拂衣歸迨今八士猶仰其高風焉同年譚壽海字信潮瀧水人名在三甲當為知縣辭不能割乃就桂林府學教授清恬無求於世官滿徑歸據肇慶志德慶志參脩

陳英弼東莞人舉人永樂十三年為興業教諭士罕知學英弼脩建學校嚴立條約與諸生同食息致連舉者九人威儀文辭足為師範又同邑張溥字文博性嗜學手不釋卷其詞翰有晉唐風韻以通政使陳璉薦授江西袁州蒞鄉縣學訓導子猗以詩經領正

統戊午科首薦據東莞志欽林志參脩

林賁字光輔四會人永樂乙未登進士第授陝西道監察御史在任十餘年歷按三省嚴毅執法不少徇人守制家居族姻私託悉拒之制滿之藩司起文藩臬將設餞即夜解舟去明日追饋之竟不受潛祿如此方擬大拜卒據肇慶志脩

沈福字應隆蕪州石康人少業毛詩鄉試會試名皆在第十刻其文以傳永樂乙未進士擢江西道監察御史巡按陝西時有殺布商投其屍於大塘中者有一蛇至院訴之使人隨其引去果得賊主抵罪而陝

人以爲神後按交趾尤著聲稱父人有仕中朝者每稱道之同年朱惠字守仁州同知瓊之子亦由冠帶舉人登第任江西道監察御史進太僕寺丞據廉州志脩張昊海康人未樂甲午領鄉薦授廣西樂平知縣有惠政民立祠祀之家居清貧不與豪民聚會據雷州志脩金誠字誠之番禺人尺籍繫廣州右衛讀書社學掌衛指揮曰麻張者最無賴人也遇諸途繫之詎曰爾軍餘也乃敢爾效儒生邪褻其衣使薙草烈日中少怠則撻之誠泣曰讀書以求顯揚今日虧體辱親甚矣張怒逮其父窘辱之父于相視不敢言予張數金

乃得免未樂丁酉誠領解明年登進士授工部主事尋轉刑部會張行兇奪人財逮至京師有言命誠鞫之張望見誠一步九頓皆誠笑而迎之言于堂官釋其罪張造誠執禮如平時張感泣歸以女妻誠子云誠性易直不事表暴常侍文皇帝北巡同行者視其舉動朝夕未嘗失尺寸蓋敦朴人也正統初以疾乞歸杜跡公門怡情山水所作詩文皆純雅有集行于時君子曰吾嘗恠夫人之好怨也染指笑恥動成干矛又嘗恠夫人之好報也睚眦不忘而一飯以爲德雖然小怨忘之苟有大故絕之可也不然以直



報之亦其常也張之辱誠及其親矣以德報怨無乃非直乎嗟乎其視世之淺丈夫何如也故吾於誠有

取焉

據廣州志脩

蕭守中字必常保昌人永樂丁酉舉人授戶部主事奉命覈鳳陽諸衛軍餉留守蕭某饋白金守中峻拒之復偕御史鄭嘉錦衣林茂巡視京儲茂以賊敗而守中之廉益彰歷南京吏刑二部郎中撥胥吏決重囚請託不行人服其公景泰間出守黎平時大軍征討龍里千戶姜洪捏申寨民通苗守中力辯其誣事竟寢全活者衆居五年峒夷悅服天順庚辰致仕家

居十餘年晚節尤堅成化改元進階亞中大夫八十

六以壽終

據南雄志脩

林厚字萬重博羅人以求樂丁酉舉人歷遷江武隆德化九江四學職居官三十六年囊無餘貲其居家動必以禮鄉人賢之謂其表正風俗之功居多年踰六十一日沐浴更衣呼子姓輩至前諭以後事因口占一詩末云蓋棺萬古無遺恨含笑從容入九泉端坐瞑目而逝又有黃志達字伯達者興寧人正直和厚宣德中以國子生仕爲惠安主簿致政歸鄉人重之目所居爲黃公嶺後祭于學祠

據惠州志脩

丘俊字世傑程鄉人永樂丁酉領鄉書甲辰登進士授河南道監察御史革奸抑暴興滯理寃深得風憲之體後陞福建按察司副使當餘寇未平之時乃能剿捕有方畧民賴以寧

據程鄉志脩

陳衡字祖平陽江人舉永樂丁酉鄉試補上舍生授戶部山東司主事調工部以汰冗官記名于家未幾檄取復職督徐州百步洪廉謹著聲喜吟詠嘗作潭底月詩百餘首以見志其警句云光彩也應無地著清操惟幸有天知又云妖墓浸魄秋容老神蚌呈珠夜色回又云江空隻影惟留恨半夜孤燈自落潮至

今為人所贈又有同邑沙浩少警敏年十七與衡

同領鄉薦授莆田訓導以能召入京不究用而卒士

論傷之據筆慶志陽江志參脩

劉玘字允璋潮陽人生而聰敏博學強記永樂丁酉

領鄉薦第一辛丑登進士授南京兵部主事以年老

乞歸田里文章學業後輩得其指授為多以疾卒于

家據潮陽志脩

龔遂字文昌番禺人世居揚武都以族蕃遂姓其村

曰龔屋邊云永樂辛丑登進士第選授浙江道監察

御史坐小謬降山東布政司副理問比九載考最陞

廣西按察司經歷性廉靜不求榮進景泰癸酉乃擢  
柳州府知府府當廣右極邊賊境要害悉心匡畧民  
夷安之又將九載當赴銓衡奏績巡撫兩廣僉都御  
史葉盛廉其持身端潔官吏畏服熟知民情勤勞年  
久奏請陞授職俸仍管府事免其給由吏部以聞欲  
俟至部考覈而後擢之遂不及待乞致仕去初田州  
知府上官岑鏞請遂為作祠堂記遂操筆立成牖其  
天性之孝却其贄金道賊境携數十篋歸賊追劫之  
啓鏞則皆書籍也據廣州人物傳田州志參脩○吏部題為邊方急缺官員事吏科抄  
出欽差贊理軍務巡撫兩廣都察院右僉都御史  
葉盛題開廣西柳州府知府龔遂景泰五年正月到

任扣該天順六年十二月內九年考滿例該給由赴  
部緣柳州府係極邊賊境要害地方知府龔遂持身  
端潔官吏畏服熟知民情勤勞年久乞將本官量與  
定奪陞授職俸仍管府事等因具奏奉 聖旨該部  
知道欽此欽遵抄出到部查得龔遂六十六歲廣東  
廣州府番禺縣人由進士先任浙江道監察御史為  
事降山東布政司副理問九年考滿陞廣西按察司  
經歷景泰四年十月陞柳州府知府扣該天順六年  
十二月方是九年考滿例應赴部給由查考黜陟本  
官任知府三年六年俱未赴部給由考覈今右僉都  
御史葉盛奏稱柳州府係極邊賊境要害地方本官  
熟知民情勤勞年久要乞量與定奪陞授職俸仍管  
府事一節欲令龔遂照舊管事候九年滿日就彼復  
任知府再歷三年通造牌冊赴部給由考覈至日另  
行具 奏定奪未敢擅便謹題  
請 旨天順六年六月十六日

周思敬番禺人末樂中知南城縣明於吏事通乎民  
情故剖決詳允而不為深文繩下縣稱治焉據江西通志脩

廣東通志卷之  
周思敬  
三十四

周孝揭陽人少孤問其母曰我何名母曰吾養汝望汝孝耳遂以孝名之孝曰吾不讀書但能孝亦可以順吾母矣家甚貧力田為養朝出耕且衣冠揖母而出暮歸禮亦如之歲旱不雨鄉人以為惟孝誠足以動天告于縣丞潘安生禮請之孝至號天而拜曰天不雨民且死矣禱訖翌日大雨如注據潮州志脩

蔡愈濟字仲舟後避諱改名忠字汝忠保昌人弱冠中末樂直字科鄉試歷蒼梧盱眙兩邑教諭擢監察御史按河南陝西甘肅所至克振風紀奸貪屏跡嘗奏請通行鈔法等事皆見施行奉 命審錄南京三

法司刑獄推情訊鞫多所平反士論備之丁內艱奪哀起復仕止山西屯田據南雄志脩

陳駿字仲良河源人丙子貢士奎之子以求樂庚子科舉人歷官光祿寺大官署正工部屯田員外郎遷廣西柳州府知府時馬平宜山寇起駿甫抵郡寇猝至圍城人情洶洶駿從容榜投城下示以恩威禍福且許其自新冠大慚怖乃狀白其情而退駿遂躬歷各壘開城諭之皆投戈解去歲饑流移滿野駿倡屬勸分計口賑之全活甚衆城池學校靡不脩葺嘗固叅將孫琦驗征剿功故事惟校管級駿必欲俘之以

訊琦不以為然既而琦遣卒張鬚者出謀逾期不復  
俄獻功者至閱之得鬚首琦始悔服卒用駿言州志

脩

劉源陽江人永樂中以貢補應天府推官歷陞浙江  
鹽運副使山東東昌知府所至多治狀在東昌尤得  
民立祠祀之君家清儉無餘畜俗好飯僧源每持正  
論以痛絕之為鄉人所信服據肇慶志脩

黃友信順德人永樂間為理問所吏讀儒書考滿赴  
部冠帶從征甘肅自募驍勇屢立戰功士庶感戴績  
聞丁上超遷河南道監察御史轉工部員外郎據

德志脩

黃吉遂溪人永樂中由太學生授温州府通判陞柳  
州府同知恤民捍患有惠政民立生祠事之尋擢延  
平知府卒祀鄉賢又有鄧鑑徐聞人永樂間由監生  
擢山西道監察御史秉公執法不避權勢彈劾有聲  
人多憚焉據雷州志脩

余慶字原善新會人永樂中由監生知南安縣蒞官  
革奸弊均徭役脩縣治興學校奏免崩堆海蕩敗米  
一千二百餘石以復流亡秩滿去民遮道泣留如失

父母據泉州志新會志參脩

梁觀增城人永樂間為龍溪縣丞廉直有吏才為政寬簡不事苛刻心一於愛民民甚德之據龍溪志脩

李璿海康人領永樂庚子科鄉薦自教職遷知縣擢

監察御史廉潔守禮景泰初廣賊黃蕭養攻圍省城

幾陷璿為時簡奉調土兵二萬協同總兵官武毅攻

賊取勝陞江西按察司僉事未幾以禮歸杜門謝客

囊無剩物以恩例進階叅議祀于鄉賢據雷州志脩

劉奎博羅人領永樂辛卯鄉薦宣德元年授長泰縣

知縣為民興利除害凡境內陂塘衝決溝洫壅塞皆

募工疏治民或逃亡田土拋荒悉令里老招回復業

寬為之計務令得所本縣陪畝糧米數多里甲無不

傾覆乃計里分度重輕均分賦納民無弄損去縣三

十里許與龍溪縣接界有隘曰朝天嶺盜賊劫掠時

或殺人正統庚申乃奏請設立巡檢司由是盜賊不

敢為害邑有虎暴自奎視事虎乃去嘉禾一莖三穗

人皆謂奎政化所感九年秩滿民安其政借留之上

司以聞陞授承務郎仍掌長泰縣事再歷三考致仕

而歸據惠州志八閩通志參脩

陳克昌潮陽人父彥恭嘗以學官論征交趾事件

文皇帝旨謫遣從英國公張輔南伐間關戎行備嘗

辛苦及歸復教職復上章陳天下利病朝著之間其名遂顯任國子助教卒克昌績學明經領末樂十八年鄉薦卒業胄監宣德七年擢為寧波府推官端謹重厚持操清白每折獄詳讞平恕吏無容奸後陞監察御史論事知大體綽然著聲望于時凡父手澤每裝潢成軸丐各公識而寶藏之體父心苟可以利天下盡力為之雖清貧窮苦不悔也是時黎利陷據交趾一如彥恭所言而克昌絕口不以告人故人無知之者後卒于官

據蕭綬尚志集脩

梁新新興人明經積學末樂初舉于鄉宣德間任大

平府學教授儀貌端重言語間當每夕雖隆寒盛暑必衣冠危坐廳事繹思日之所為以圖更改加勉或焚香鼓琴至倦始就寢通五經而春秋禮記尤精熟日坐講席不少離三教郡邑有成績兩典文衡取士

精當

據太平志脩

顏宗字學淵南海人永樂癸卯舉于鄉仕福建邵武知縣為政平易愷悌以救荒憫旱為先奉詔增置義倉勸殷民及措置積粟二十餘萬石儲之歲遭歉計口給賑民無阻饑嘗大旱齋沐徒行百里禱于神雨大注歲遂稔民有吳姓者垂死一子名鐵牛尚幼

託所文育之一日鐵牛爲人所殺聞于官邑貳執所  
育者抵罪其人稱寬宗疑之積誠告城隍夢有人訴  
曰殺牛者驢也明旦召耆老訊之果有親屬幼喚丘  
驢者亟捕得之一訊具服人稱爲神明沙尤寇鄧茂  
七作亂 上命率師討之渠魁旣復餘黨據險弗復  
當道委宗招撫宗耆老數輩直詣賊所賊衆皆泣  
謝聽命散爲良民所活五七萬餘人景泰辛未九年  
滿考無公私過獲賜 恩父母陞兵部車駕司主事  
三載轉署員外郎奔母喪歸卒于途宗善畫山水爲  
世所重

據廣州志脩

葉孟昭字文明保昌人領永樂癸卯鄉薦歷潯州京  
衛教職遷臨江教授人品磊落議論英發爲文有思  
致所至學者仰之嘗主試山東遷 魯府左長史屢  
有規正皆見嘉納大爲賢王所重稱先生而不名每  
乞歸不許終于任王悼惜之贈贈優渥歸葬有遺文  
若干卷

據南雄志脩

彭輿遂溪人領永樂癸卯科鄉薦仕南安府推官政  
寬恕有長者風秩滿陞南京刑部員外郎致仕歸後  
奉 詔進階本部郎中卒祀鄉賢

據雷州志脩

林茂森字良材臨高人少孤事母性至孝其貧力學



植極羣書以春秋領永樂辛卯鄉薦仕武宣教諭勤於課士及鄉試中式者五人藩臬諸司異之上其事當擢用以母老辭歸養家居以孝第勤儉迪訓家塾及鄉人子弟暮年手不釋卷嘗校註方輿儒林一覽行十世大學十丘濬稱其博洽云據臨高續志脩

馮宣萬州人間學該博中永樂癸未鄉試授唐府紀善以風節自持率動由禮尤善詩王雅重之士夫推遜及歸惟圖書數十卷子謙正統辛酉鄉舉授岑溪教諭轉巴縣所在士風丕振據萬州續志脩

郭張善潮陽人少孤力學善經義文詞永樂丁酉六

月以儒上舉自陳幼孤賴繼母陳氏撫教而成願出任報效上令翰林院試其文可取授翰林院檢討考滿稱職復任其際遇亦甚奇也據實錄脩

徐祥萬州人世本常山來官稅課局還家時生祥半月鞠於母孤苦力學為州庠生登永樂戊戌進士尋抵其家原籍題詩云曾念貽謀在海涯棄予隘巷一呱呱誰知萬里支離子天肯教來識父家後知歙縣以母垂白不忍遠離乞歸終養遂隱居而卒州人登進士自祥始祀于鄉賢祠據萬州續志脩

劉志明字晦伯定安人其先遷自廬陵性敏好學博覽妙悟尤精於中庸年十八回籍從學聞見益廣復

以定安諸生充貢求樂間奉當道敦禮遣署學事時  
邑人雖知向學未有師傅得志明而後士多成就或  
勸其復試科舉嘯曰學問人也出處命也遂專於教  
事人稱建溪先生據定安續志脩

何潛淵字時曜東莞人質直有操守明敏好學問為  
詩文必欲理勝於詞立身行己必循矩度蚤從羊城  
陳仲璧講性理學旅館夜分忽有窺宋玉墻者遽斥  
使退朋儕重之洪熙初知縣李貞舉經明行脩薦于  
藩司以親老辭歸親疾侍湯藥惟謹居喪毀瘠二年  
不近葷酒事兄潛琛友必彌篤頌白德同財共居田

名其堂曰同心晚年與邑耆英結詩社于鳳臺潛淵  
及羅泰社中宗之成化初知縣吳中每舉鄉飲必躬  
請為正賓歲時或間致恭稱為止齋先生年八十五  
卒同鄉長史黃結嘗曰維止齋行可媲古之君子才  
不愧今之名賢據東莞續志脩

鄧周字文郁連州人由監生授刑部照磨陞彭澤令  
邑多虎患周曰其咎在令乃禱城隍虎遂引去又邑  
多火患曰此覆茅累也何不治陶台以易之民樂從  
其言不二三年比屋皆瓦而火厄遂息據九江志脩  
杜縉南海人洪熙間以湖廣叅議左遷德安知縣持

已廉而不矯處事直而攸當士民愛之據九江志脩

胡濟字孟時南海人以學行優長知名洪熙初元廣

西道監察御史胡啓先以賢良舉授廣西布政司檢

校正統三年廣西按察司僉事王凱以濟廉介學優

薦廣西理定縣知縣招來流民復調平南縣界大藤

峽民雜徭徃不時侵掠移竄者多濟築城衛之民始

奠居正統九年廣西總兵官韓觀征剿大藤峽賊連

平幸之大同明化二里與多就俘者濟力為民辨蒙

活者二千餘人民懷其德稱其循良廉介至今不忘

以疾卒于官據廣州舊志脩

王子倫名綱以字行南海人博學積文有名于時宣

德初監察御史何善薦授長沙之攸縣丞政惠及民

民愛之時草寇蕭彥吉兵剽掠子倫與百戶張本捕之

抵衡山遇寇與戰失利中有引矢向子倫者衆呼曰

王父母君子人勿傷遂得免既而通政陳璉復以有

守有為薦知江陰縣廉名益著僅初考都御史陳智

聞其有學識且操守廉介復疏奏舉之有旨來徵

邑民黃惇素等千餘人遮道願留不可乃脫其靴懸

於譙門以示不忘至京授河南道監察御史燁然以

直聲著歷官始終不携妻子正統間巡按雲南遂以

疾卒吏部尚書魏驥手表其墓稱為廉能吏賢法司云二子載貫載能文章隱居不仕貫有詩名由鄉貢任南平知縣卒載子觀光亦舉人能詩而子倫所著

有彝齋集

據廣州人按志南畿志參條

蕭鑾字景和潮陽人少勤學登宣德丁未進士初拜行人使甘肅亦力把力以至哈密多饋方物鑾厲聲曰天子仁聖惟恐六合之內一物不得其所故遣使宣諭汝等肯受汝賂耶遂不敢復有所獻上嘉甘廉能擢江西道監察御史彈劾不避時遇禁獄囚犯家口百餘晨暮顛天告寬鑾白其事憲臺俾鑾詳

獻時左都御史王文贇質剛狠語鑾曰御史好為之人罪不可輕出鑾果雲具寬文即推案大怒曰御史果輕出人罪法當誅鑾曰置無辜於死地法當爾耶耶欲具奏文懼乃從之被釋者焚香載道祝壽鑾見而麾却之正統甲子秋予告歸省明年擢廣西提學僉事躬率諸生先德行而後文藝尤不拘於課程數年士風丕變人材迭出景泰辛未裁革提學尋丁母憂天順己卯起復除湖廣僉事時按察使楊珏謫黃州知府與衛鎮撫互奏事下所司皆推避鑾獨問擬知律珏由是謫戍庚辰丁生母憂辛巳珏誣奏鑾都

察院奉 旨訊得其實鑾復職得終制癸未復補福建僉事廉能有聲吏部尚書王勳欲擢以京職鑾力以疾辭成化乙酉擢山西副使比至有張瑄者以通政謫知霍州怙勢大肆刻剝部民百餘人撫其事情會疏詰闕奏之有 旨都察院行鑾鞠問鑾閱實罪狀黜瑄為民反奏鑾陷已極其詆毀然公論莫不直鑾奏遂不行居二年上疏乞歸不允疏至再三 詔乃許之去日士民攀轅泣送遮道抵家囊無長物韶迹丘園不履公府時年近七十出入自策扶老不乘輿馬人皆敬之八桂生徒有宦轍過潮者事或失禮

鑾即召而庭責之甚至加以杖其師道尊嚴如此據潮

陽志

吳高字尚志歸善人也宣德元年領鄉薦八年登進士歷官刑部主事員外郎福建叅政好學能文酷嗜林泉既致政幅巾杖屨徜徉山間水際惠陽風物陶寫始盡嘗脩校郡志文馨稱一時據惠州志脩馮學明保昌人少為郡庠生宣德三年應貢以監生授工部主事轉禮部儀制遷精膳郎中為人敦厚周慎嘗出使寧藩造墳迨峻事餽贐一切謝却寧府重之正統十四年扈征北虜陣亂六軍從臣多南奔時

鄉人鄧力士者在陣中謀與同歸學明日君辱臣死將安之乎遂陷于陣後錄功廕子瑤入監據南雄志脩

李齡字景齡潮陽人自少以穎敏稱經史過眼即能成誦甫弱冠領宣德己酉鄉薦會試南宮中乙榜授

賓州學士調國子監學錄太宗伯胡濙器其才薦為監察御史勅命提督北直隸郡縣學未幾特旨

陞詹事府丞入史館輔導纂脩之功居多景泰丙戌上命為京闈考官掄選真材允愜輿論及丁內艱服

闋補太僕寺丞轉江西提學僉事齡欲士子敦本尚行嚴責記誦痛抑奔競其自持一言一動不苟餘于

胡居仁躬耕孝弟力行有聞請主白鹿洞教事以為

學者式人或欺之其篤信不渝被讒而去時論惜之

考其平生大氏忠厚不苟狗俗文章政事為當時所

重據潮陽志江  
西通志恭脩

謝宗齊清遠人宣德癸丑貢入太學授杭州衛經歷

至任優恤軍餘差用有節衛官不得私役時巡按藩

臬見重後陞雲南趙州同知蒞事公平士民悅服歷

任五載餘辭病解篆歸義方訓子仁愛及人尤注意

于鰥寡孤獨天順中流賊陷城邑民張俊家無噍類

宗齊憫之寄養十載及沒殯葬之弟叔齊早逝無嗣

婦張氏守節厚待終身置墓田五十畝上祀先祖下

贍族人無後者鄉間傳誦據清遠志條

李鼎字仲器保昌人宣德甲寅貢入太學任臨江府

同知適新淦大盤長樂令山獠賊嘯聚巡撫侍郎楊

寧命捕之親犯矢石斬首二十六級餘黨遁去民賴

以安後補黃州督清戎伍叙補三千餘戶又築黃梅

武家鄉圩填豁蘄州赤東湖賦額以勞卒于官後季

子昕領成化甲午首解為長泰知縣據舊通志條

李若林潮陽人性敦質朴學問老成領宣德丙午科

鄉薦第二庚戌登進士授刑部主事法律詳明讞獄

平允深為司寇所重因病乞歸後進咸師事之隣邑

之士亦聞風而畢集其門年八十而考終據潮陽志條

陳用原字志道東莞人性敏嗜學躡涉書史工於詩

文長於書翰邑宰王尚瑞徵為社學師後又禮為鄉

飲賓舉止有儀年六十五終于家門人梧州知府袁

衷為撰墓誌張玄輩四十餘人為營墓石平生所著

詩文若干卷號西橋集據東莞志條

陳善字克一海陽人元樞密同知肅之曾孫沈靜雅

飭通禮記百家諸子史切失侍事父甚謹晨昏不怠

雖有厨漸滲之細必視比之父有疾嘗號天請代及

卒居喪哀毀盡禮孝順之行達於內外云據潮州志脩

唐鏞連山人未樂中為寧國府同知剛斷有清操吏

民畏服列于名臣據南畿志脩

朱子福字廷錫深昌人積學篤志領薦入監十年不

出戶登未樂辛丑進士知永陽清慎有為政平民悅

罹艱廬墓起復轉行人兩使湖藩不辱命及還卒于

通州歷仕二十八年守官如水祀于鄉賢祠據南雄續志脩

梁繼灝字行素新會人林坡黎貞高弟博學有行誼

嘗以書授白沙陳獻章稱之曰吾邑以文行教後進

自許年林坡一人而已余生也晚不及林坡之門及

長而與澹齋之子益游始拜澹齋澹齋誨余以林坡

之事縷縷此豈一日忘其師者耶當時在林坡之門

者不少獨澹齋傳其學教授羅山之下使弟子有所

矜式焉其見稱類此邑人魯能且韶鄭慈皆出其門

子益登景泰丙子鄉薦知興業縣益子文任衡山訓

導皆能承世儒業據白沙集瓊瑩類稿新會續志參脩

俊英牙籤萬帙快平生處家有道應從澹齋用世無心

不愛名何事梨雲迷夜雨忽聞薤露倍傷情賢郎幸

詞林表墓銘

鄭宗維香山人宣德中領鄉薦任政和縣學教諭啓

迪有方一時士類多所造就陞太平教授性醇厚善



為文嘗典雲南文衡藩臬推重治家義方甚嚴諸子各能通經以文學名子慈登科知臨武縣三年以內艱歸囊橐如洗民誦其廉據香山志政和志參脩

薛遠字繼遠海南前所人前工部尚書祥之孫正統壬戌進士授戶部主事景泰中遷郎中天順政元使交南還進本部右侍郎成化政元王師討兩廣蠻僚公督餉兵食賊平陞左侍郎進尚書督總糧儲丁酉乞致仕弘治壬子以建儲恩詔進階榮祿大夫乙卯八十二歲卒遠敏而好學于禮樂兵刑天官律曆無不涉其要尤熟 國朝典故在戶部最久均節委

積內外遠近多寡輕重莫不法式會較出納吏胥拱手每歲中外競陳利害迭為行罷有司不知所從公以為凡若此者一切報罷官省民安時論躋之嘗曰馭吏嚴刑以懲不若先事而發善革弊不若無弊可革其慮事中理多類此遠本廬州府巢縣人洪武中祖祥得罪死父能坐是謫戍海南衛遠發身儋州學既大用有司為建祖孫尚書坊後遠自瓊挈家復還無為州據瓊臺志脩○雙槐歲抄天順政元薛公繼遠自戶部郎中超拜本部侍郎從人望也予上疏時獲免罪責公有力焉尋延予長安西邸以彩其子每謂予曰向使禮部說行子固今之陳東也然宇宙內事當視為性分子其勉之公博學無所不通禮樂兵刑天官律曆皆涉其要嘗出周禮及逸周書

示予曰周禮小祝有寇戎之事則保郊祀于社王  
句謂郊社同在一處蓋泰壇方三百步四觀禮大  
據魏儒劉芳言則壇有四門門外為四郊觀禮大  
畧可見故逸周書曰設大社于國中當四之中央  
大社即澤中方丘而圓其頂即地上圓丘也大同樂  
冬日至以陽聲召陽氣其律相繼故天神降夏日至  
以陰聲召陰氣其律相生故地祇出合為九變陰陽  
相得其律相合故人鬼格此所謂大合樂非分祀也  
二至演樂則分陰陽以召驗之及祀天地配以后稷  
則同在禮一處乃坤順承天合時而化之義我太祖  
皇帝合祀天地最得禮意當時耆儒汪克寬謂祭天  
必及地尊可以統甲也正如人子奉養饒食於父必  
及其母豈可分別哉觀此二書則可見矣其言天官  
書以日及斗為主語多不能盡憶公本廬之無為州  
人祖祥洪武中工部尚書謫海南因家焉故舉吾廣  
鄉試正統壬戌進士終南京兵部尚書  
最諳 國家典故所履有聲為時名臣

鄧顒字伯昂樂昌人通詩書尤諳言星命正統七年

進士奉使湖藩給賞軍衛贖禮一無所受 楚王嘉  
之書廉介二字餞其歸且以其事聞于 朝又明年  
授廣信府永豐縣知縣推誠愛民剋宿弊崇寬政臨  
之平易導之禮讓又為奏減額外之賦民甚安之王  
山縣有被殺死者事久不得白委顒治之顒衣冠憑  
按坐夢神人告以死處并其事又有老樹藏妖時時  
出為災害又其縣分為四鄉有神靈謂之老佛四鄉  
爭迎之歸以祀祀則其鄉無疫病而旱烈終歲禾黍  
不登顒皆為文籲天不移時迅雷破樹毀佛像又嘗  
白晝見一兒跪言前張知縣之子死葬西房地中神

廣信府志卷之六 四十七

不得寧願為之遷葬明日又見形來謝藩臬異其人  
有難事輒檄願代理賞泣事建之浦城脫當沒入者  
三十餘家又覈處州銀治免銀課數千兩其人報以  
重貲皆拒不受布政使吳潤三上薦章未報十三年  
葉宗劉反於浙鄧茂七反于閩永豐當二寇衝願為  
備禦之計甚悉寇入境多為所獲其後寇執盛大都  
督劉聚都御史張楷聚兵鉛山不敢前寇由浦城直  
壓永豐彌漫山谷願率千人與戰生擒賊將王三鄭  
常四又乘勢而前遇伏遂為所執見宗劉勵聲罵曰  
我為國殺賊為民除害恨不磔汝肉裂皮扞遺憾也

遂被害是日雷雨大作宗劉驚惧令其徒昇屍于高  
州巡檢司署中明日邑人治棺殯于城隍廟巡按御  
史韓雍上其事請加褒贈遂贈奉議大夫光祿少卿  
仍遣韶州府同知李實就其家祭之給麻布六十匹  
齋糧三十石以助喪葬天順元年給事中白瑩題奏  
賜謚恭毅入張文獻公祠中配祀仍行江西廣信府  
與張叔夜等同祀子長瑗最知名次球俱領鄉薦御  
文維景泰元年五月十五日皇帝遣韶州府同知  
李實諭祭于故永豐縣鄧願之靈曰爾以科目發  
身出宰大邑志存忠義不避艱危當賊勢之方張能  
挺身以自効為賊所執罵不絕聲兵刃及身從容就  
死眷茲忠義良足悼傷茲特贈爾光祿寺少卿以慰  
爾靈嗚呼生必有死死忠為大賊迹已殄爾名不磨

遣祭爾靈尚承榮命瑗字良璧登景泰丙子鄉試授大理評事陞湖廣僉事分巡湖北與貴州接壤征調頻數民不堪命瑗不奉檄致仕歸心脩

王宏字孟遠海南衛後所人少孤力學工詩文以母旌表節婦韓氏年老不求仕開鄉塾訓子弟餘數十年正統間大叅龔遂都閩王清及致仕御史唐舟輩

遊靈山分韻賦詩宏以布衣與列時人高之丘濬誌鄭俊墓

有云吾離家十八年城中父老彫謝殆盡唯王子孟遠鄭廷輔兩先生在巋然若靈光之在魯也

庵集今不存據瓊墓志脩包志道合浦人舉人正統初知府朱勤以才賢稱陞

無失其催科不假鞭笞嘗歲旱禱雨芒鞋徒步不遠

百至後守桂陽其政如高郵祭酒吳節稱之曰涵養

深而器識明言不妄動不苟君子也

據惠州志

盧祥字仲和東莞人幼多技能年三十始習舉子業

往從其兄全州訓導寬遊正統戊午遂領廣西鄉薦

壬戌登進士高等擢南京禮科給事中多所論建凡

六年而丁外艱服闋補吏科論北虜也先僭號之由

劾大臣王文項文曜等為人所畏憚未幾以言事謫

山西蒲州判官天順改元召為禮科給事章疏剴切

多見聽納戊寅陞南京太僕寺少卿尋以內艱歸甲

申補順天府丞其冬陞都察院右僉都御史巡撫延綏至則嚴武備肅綱紀正賞罰屢以捷聞賜白金文綺議者欲進其秩宿與銓部有憾遂為所沮因以書抵其外甥祁順思求退休順荅曰昔人謂使營菟裘吾將老焉論者有猶豫留時之誚舅何為而不早決也丁亥冬得謝歸明年五月卒年六十六祥以氣節自高性寡合與同官林聰最厚凡所獻納必協力成之故其名稱亦相頡頏云祥嘗學春秋于安福吳節教其子上庶從子準編調俊皆預賓興由是邑子之學春秋者益盛所著奏疏詩文號行素集藏于家據

州志脩○菽園雜記巡撫陝西都憲嘉禾項公忠令慶陽亦寧州縣督民種樹道旁民頗怨之巡撫延綏都憲廣東盧公祥有詩嘲之其終篇云可惜路旁如許地只栽榆柳不栽桑項公和韻云老我豈無衣食計安知此地不宜桑二詩今在慶陽公館壁間邠寧慶陽皆古邠地七月之詩言蠶桑之事備矣要之盧公之言得之

黃裳字元吉曲江人其先家本與國祖仲禮洪武中以事隸韶州守禦所戎籍裳讀書過目成誦正統壬戌進士授監察御史一時彈文多出其手法司會審疑獄辨折之頃多得其情都御史陳鑑雅重之嘗巡按直隸蘇常諸府及浙江鹽法人多被其澤已巳北虜犯邊扈蹕從征陷戰陣而沒明年褒恤死事之臣

有詔恤其家據詔州志脩

邢宥字克寬文昌人宋知軍夢璜之裔少游邑庠時  
司教曾蘭博通經史甚重之登正統戊辰進士任四  
川道監察御史景泰初治宦者王振黨獄督通州糧  
實宣府卽有取能之譽後屢出按於福建則排鎮  
守尚書薛希璉延平鎮東二衛互易之議緩犯禁入  
海數十人疑獄奏留八郡赴部匠役築永安等四城  
於遼東不從都御史寇深抑副將焦禮邊功之囑於  
河南奏革循河出頡達南京數十驛隨在聲稱赫然  
天順庚辰陞知台州一尚寬以矯前弊民甚信服居

四年兩以巡按時事就逮民數十人赴京告留竟坐  
是降尹晉江未三月會赦復職改蘇州蘇俗素過侈  
抑之以誠朴成化乙酉郡大饑宥賙貸甚勤發官儲  
勸富民活饑民殆四十萬口公帑不空富室無擾論  
者謂荒政之最善者至刑名錢谷上供送迎調發諸  
具繁夥素號難辦處之綽然丙戌知者交薦朝廷  
重其去止賜勅擢叅浙藩仍知府事後數月遂進  
左僉都御史就撫南畿并理嘉湖杭三府糧儲提督  
屯種戊子勅飭理兩浙鹽法己丑勅考察文武  
官員前後奉勅五道雖皆勉副重托然聲名頗減

於治郡時庚寅議事上京再上章始得致仕省稟  
 性廉介於人不少假借外補內明好讀書於詩文不  
 苟作作必有意趣字亦適美有法處家庭孝友田產  
 多讓諸弟歸休囊橐蕭然如書生時惟田圃是樂足  
 跡未嘗至城市鄉評自唐宋以來海南人物罕見所  
 著有湄丘集據瓊臺志脩

彭誼字景宜東莞人初仕工部司務正統己巳邊事  
 起有旨大臣舉風憲須老成人部以誼應陞湖廣  
 道監察御史時王文學院事號嚴明御史啟事不合  
 輒瞋目不荅獨禮重誼景泰庚午南直隸澇民有殍

誼往賑濟日走數邑不憚民賴活者甚衆壬申河决  
 張秋隄水東趨不由道奉勅脩理先是尚書石璞暨  
 都御史王暹洪英各言方畧試輒敗誼乃督役夫從  
 旁濬之約先畢先息不限日既濬决水勢緩隨即塞  
 之水復故處漕輓通以功陞正六品俸甲戌陞大理  
 寺丞乙亥陞右僉都御史奉勅提督紫荆白羊倒馬  
 等關律將治兵脩築城堡按古法造神臂弓守之尋  
 復奉勅提督各關倉糧保定等衛屯糧會忤權貴得  
 罪天順丁丑左遷紹興知府民告饑即發倉卹之或  
 謂當上聞否且得罪誼曰待請而發則轉溝壑者多



矣吾何愛一身而不以活萬命明年有秋民爭委輸  
不踰月而倉復盈先是郡縣官田稅重耕者不得食  
而流移焉賦多逋負責歸於官輒不滿秩去誼請計  
畝起耗減重增輕民便之又因暇築白馬閘鹵壓不  
入漑良田若干頃歲獲穀若干斛一郡蒙其利九載  
陞山東左布政使去之日蕭山民有感德者持海味  
二器爲餽峻卻之其人愧謝而去居山東一載陞工  
部左侍郎未幾改右副都御史巡守遼東先前任者  
與大監總兵不相能不以邊儲爲意倉無再歲之支  
虜覘知之聲言入寇誼旣至獲謀者訊焉盛稱林翳

騎阻糧少士饑以故無恐命斬以徇衆哀揀乃免於  
是反謀語之曰汝虜恃翳汝不見中國匠剡木器平  
遣萬卒持之使之剡木十不崇朝可盡也芻糧又在  
吾度內發民萬家運之山斯積矣汝虜何恃耶謀報  
虜未以爲然秋發餉實鐵嶺三萬諸衛相繼於道虜  
始有懼色旣乃大閱命將調發建大將軍旗鼓出廣  
寧度遼陽部次嚴整旌甲蔽野命都指揮崔勝進兵  
擒斬之奪其馬匹器械輜重虜奔潰自是遠遁成化  
辛卯三月捷聞降勅獎諭癸巳統師征小黑山虜寇  
斬獲六十二級燒燬連州麥州等巢穴搜獲馬匹牛

羊無美全軍而還復降勅獎諭之時總督太監橫徵諸屬衛誼乃令所屬凡移文不經本院議處者皆令覆請違者以軍法從事霄焯頓息邊人德之在遼凡十有一年成化戊戌始得謝事歸凡二十有二年乃卒壽八十有八孫綱正德甲戌進士官至郎中據廣州志

葉禎字夢吉高要人今高明縣少有大志剛明不居父

喪廬墓由宣德乙卯鄉舉歷潯州府同知調還府

在任廉介導民以義民樂為用天順三年賊首而公

同虜民入山禎親領兵與賊敵被虜者獲脫賊兀無

援兵從後襲之禎姪公榮等力戰而死既而賊復攻

圍鷄刺等寨報至都指揮黃鉞與知府黃振方酣飲

禎請於鉞請救鉞弗顧禎曰民急矣我為父母不一

援之忍乎即督東蘭那地百兵及民壯凡三百人往

援之抵柳青舖遇賊遂與其子官慶等奮戰援兵不

至身被數鎗猶刃一人與子俱死是夜雷電風雨大

作雪深尺許賊大驚異而逃寨賴以全凡民得全活

若干餘人都御史葉盛聞于朝贈禎朝列大夫廣

西布政司右叅議宜民立祠以祀之扁曰忠義有嘉

忠錄據實錄廣西通志肇慶志叅脩

涂俊生字友良番禺人爲人敦行義而耽文儒當宣  
德正統之盛羊城士夫仕而倦遊者有給事中張舉  
斷事周溥敬主事金誠處士趙鈞相與爲文字交而  
俊生爲之冠冕藩臬知其名咸禮貌之間舉耆民有  
德望者理民間滯牒俊生首與焉遠近皆知有所謂涂  
老人者無不加賓禮有司歲行鄉飲酒禮必虛賓席  
待之黃寇反時適有 詔開其自新之路會府求人  
齋與之無敢應者俊生毅然行至則喻以禍福賊皆  
羅拜環聽卒得善返是行也人皆危之而俊生處之  
如無事時又嘗嫁表姪之孤者二人資遣之一如已

女其行義類如此旣沒丘濬嘗嘆曰善人亡矣穗石  
濂泉之間服儒素而談理道者豈復有斯人哉爲之  
誌其墓子璋仕通判孫瑞理同登成化丁未進士瑞  
字邦祥少穎悟不凡儀表豐偉弱冠以文學著聲庠  
序性豪宕不羈尤善書法上下咸器重之成化丁酉  
鄉試第一丁未進士第二人及第授翰林院編脩弘  
治庚戌以脩 憲廟實錄成陞脩撰與 經筵時稱  
翰林三妙謂才學書法儀表弘治癸丑援例歸省時  
父母皆無恙士林甚榮之祇家十日卒年四十有六  
人咸咤悼廣人士入 國朝及第者實自瑞始云廣

脩州志

廣東通志卷六十

五十四

三

廣東通志卷第六十



